


BAHAGIAN PELESENAN	<p style="text-align: center;">SYARAT – SYARAT LESEN MENJALANKAN PERNIAGAAN PUSAT SIBER DAN CYBER CAFÉ PINDAAN PEKELILING JABATAN KERAJAAN TEMPATAN JKT : JM/D/BIL 4./2005</p>	SL 06	
--------------------	---	-------	---

A. DEFINISI

1. PUSAT SIBER

Pusat siber adalah premis perniagaan yang menyediakan kemudahan computer (PC) untuk tujuan melayari internet.

2. CYBER CAFE

Cyber Cafe ialah premis perniagaan yang menyediakan kemudahan computer untuk melayari internet dan menyediakan kemudahan jualan makanan dan minuman kepada pelanggannya.

B. PELESENAN

1. Pelesenan premis pusat siber dan cyber cafe adalah tertakluk kepada Undang-Undang Kecil Tred, Perniagaan dan Perindustrian MDTM atau lain-lain syarat yang dikenakan daripada masa kesemasa.
2. Lesen yang dikeluarkan oleh Majlis Daerah Tanjong Malim hendaklah dipamerkan di tempat yang mudah dilihat. Lesen akan dibatalkan jika syarat – syarat yang dinyatakan dalam garis panduan ini tidak dipatuhi.

C. PENGURUSAN

1. Pnegurusan pusat siber dan cyber cafe hendaklah secara professional oleh pengurus yang berpengetahuan yang luas dalam bidang ini.
2. Pekerja rakyat asing tidak dibenarkan bekerja di pusat cyber dan cyber cafe.
3. Pengusaha pusat siber dan cyber cafe hendaklah mempunyai pekerja yang mencukupi setiap masa bagi mengawasi setiap aktiviti di pusat siber dan cyber cafe tersebut.

D. AKTIVITI YANG DIBENARKAN

1. Aktiviti utama ataupun core business pusat siber dan cyber cafe **adalah dihadkan kepada aktiviti penyebaran dan mendapatkan maklumat** melalui internet sahaja. Kegiatan – kegiatan lain adalah dilarang sama sekali khususnya berbentuk hiburan seperti berikut:-
 - i. Permainan video
 - ii. Perjudian
 - iii. Gambar – gambar lucah
 - iv. Muzik (pipe music); dan
 - v. Penjualan bahan-bahan bercetak khususnya yang mengandungi unsur-unsur negative.
2. Pengusaha hendaklah mengambil tindakan segera sekiranya berlaku aktiviti kurang sihat yang melibatkan pelanggan mereka.

E. MASA OPERASI

1. Masa operasi bagi pusat siber dan cyber cafe adalah dihadkan kepada pukul 12.00 tengah malam sahaja.
2. Bagi pengunjung di bawah umur 12 tahun, mereka hanya dibenarkan mengunjungi pusat siber dan cyber cafe sehingga pukul 10.00 malam sahaja.

F. HAD UMUR PENGUNJUNG

1. Pengunjung di bawah umur 12 tahun boleh mengunjungi pusat siber dan cyber cafe dengan ditemani oleh ibu bapa ataupun penjaga.
2. Pelajar yang berpakaian seragam sekolah adalah dilarang memasuki pusat siber dan cyber cafe.

G. LOKASI

1. Pusat siber dan cyber cafe hanya **dibenarkan beroperasi di tingkat bawah bangunan, keadaan premis perlulah terbuka dengan system pencahayaan yang terang dan penggunaan cermin gelap adalah dilarang**. Bagi peniaga pusat siber dan cyber cafe yang telahpun menjalankan perniagaan sebelum garis panduan ini dikeluarkan maka kelonggaran boleh diberikan untuk membenarkan pusat siber dan cyber cafe beroperasi dipremis ataupun tempat sedia ada tanpa perlu berpindah ke tingkat bawah bangunan.

2. Kedudukan computer bagi tujuan melayari internet hendaklah berasingan daripada aktiviti sampingan yang lain dan ia hendaklah diletakkan dalam ruang yang terbuka, iaitu tidak berbilik dan tidak berpintu.
3. Pusat siber dan cyber cafe tidak dibenarkan beroperasi berhampiran dengan kawasan-kawasan sensitive seperti masjid dan lain-lain kawasan yang dirasakan tidak wajar oleh pegawai pelesen.

H. PENJUALAN MINUMAN KERAS DAN ROKOK

1. Penjualan minuman keras dan rokok adalah dilarang sama sekali di pusat siber dan cyber cafe.
2. Pelanggan juga adalah dilarang untuk membawa masuk sebarang minuman keras dan juga rokok daripada luar.

I. BUTIRAN PELANGGAN

1. Pengusaha hendaklah menyediakan buku rekod kemasukan pelanggan bagi disemak oleh pihak berkuasa pada bila-bila masa.

J. KEBERSIHAN PREMIS

1. Pengusaha pusat siber dan cyber cafe juga hendaklah mengambil perhatian ke atas aspek-aspek kebersihan dengan menyediakan kemudahan tong sampah dan tandas awam yang mencukupi.
2. Premis hendaklah menepati syarat-syarat penggunaan dan kelulusan bangunan yang telah ditetapkan dan sebarang pengubahsuaian ke atas bangunan hendaklah mendapat kelulusan daripada PBT terlebih dahulu.

K. PEMASANGAN PINTU / DINDING CERMIN

1. Sekiranya premis dijalankan di dalam keadaan tertutup pengusaha *pusat siber* dan *cyber cafe* hendaklah memasang pintu / dinding cermin yang berwarna cerah disetiap premis bagi membolehkan pihak berkuasa mengawasi aktiviti-aktiviti yang dilakukan tidak melanggar syarat-syarat seperti mana yang telah di tetapkan.

L. TINDAKAN KE ATAS PREMIS PERNIAGAAN PUSAT SIBER DAN CYBER CAFE

1. Tindakan menutup premis perniagaan pusat siber dan cyber cafe akan dijalankan jika penguasaha pusat siber dan cyber cafe di dapati melanggar syarat-syarat yang telah ditetapkan dalam garis panduan ini.
2. Sila ambil perhatian kegagalan pihak pelesen menjalankan tanpa lesen daripada pihak Majlis Daerah Tanjong Malim, **tindakan menyita akan dikenakan seperti mana yang diperuntukan 26A(1) Undang-Undang Kecil Pelesenan Tred, Perniagaan & Perindustrian (MDTM) (Pindaan) 2007.**